



KENYATAAN MEDIA

UNTUK SIARAN SEGERA

PTPTN PRIHATIN: TURUN PADANG SANTUNI MASYARAKAT SEMPENA RAMADAN

1. Setiap tahun Perbadanan Tabung Pendidikan Tinggi Nasional (PTPTN) tidak pernah lupa untuk membantu golongan yang kurang bernasib baik ketika menyambut Ramadan dan Syawal melalui program tanggungjawab sosial korporat (CSR) yang dianjurkan.
2. Tahun ini, PTPTN melaksanakan **Program PTPTN Prihatin: Ramadan dan Syawal Bersama PTPTN Tahun 2022**. Program ini dianjurkan bertujuan untuk menyantuni masyarakat dan mengeratkan ukhwah serta membantu mereka yang memerlukan di samping membina imej positif PTPTN dalam kalangan masyarakat. Program ini akan dilaksanakan sepanjang bulan Ramadan untuk membantu meringankan beban kewangan terutamanya keluarga asnaf dan anak-anak yatim ketika menyambut kedatangan bulan mulia dan meraikan Aidilfitri. Pada masa sama, program ini diharap dapat mewujudkan hubungan baik PTPTN dengan masyarakat setempat selain meletakkan PTPTN di tengah-tengah keperluan masyarakat.
3. Antara program yang dilaksanakan adalah **Program Imarah Ramadan PTPTN (IMRAN) Bersama Pelajar IPT/Politeknik Tahun 2022, Program Sempurnakan Raya Special PTPTN x Minggu Wanita, Program Raikan Syawal Bersama Anak-Anak Yatim, Program Ihya Ramadan PTPTN 2022, Program Jelajah Simpan SSPN 2022 dan Bantuan Kewangan Pengajian Kepada Anak Yatim (Asnaf) Yang Kehilangan Ibu Bapa Akibat Covid-19.**

4. Bagi menyemarakkan sambutan Ramadan **Program Imarah Ramadan PTPTN (IMRAN) Bersama Pelajar IPT/ Politeknik diteruskan lagi pada tahun ini melibatkan 14 buah IPT di seluruh negara bermula 15 April 2022 hingga 24 April 2022.** Secara purata sebanyak 700 hingga 1,500 bekas bubur lambuk disediakan di setiap IPT/ Politeknik dengan jumlah keseluruhan lebih 12,000 bekas bubur lambuk. Program IMRAN di Universiti Utara Malaysia (UUM) telah diadakan pada 15 April 2022 melibatkan aktiviti menyedia dan mengagihkan bubur lambuk secara gotong-royong bersama kakitangan PTPTN, IPT, Majlis Perwakilan Pelajar (MPP), para pelajar dan masyarakat setempat. Turut hadir Encik Huzaidy Hj. Hussain, BCK, Pengarah Jabatan Hal Ehwal Pelajar, UUM dan Encik Azhar Ahmad, Ketua Pegawai Kewangan PTPTN.

5. Pengerusi PTPTN, Datuk Wan Saiful Wan Jan berkata, “Program seumpama ini sudah tentu akan memberi manfaat kepada para pelajar dan masyarakat. Inilah bukti usaha-usaha PTPTN yang sentiasa komited dan prihatin membantu golongan pelajar yang begitu dekat dengan PTPTN serta masyarakat dalam apa jua keadaan. Untuk itu, program ini diharap dapat mengubah persepsi terhadap peranan dan fungsi PTPTN yang bukan hanya memberikan pinjaman dan mengutip hutang semata-mata serta meningkatkan imej positif PTPTN dalam kalangan masyarakat menerusi program CSR.”

6. PTPTN turut memberikan sumbangan wakalah zakat sebanyak **RM300,000** untuk membantu **3,000 pelajar asnaf** di **30 kawasan** terpilih melalui program Jelajah Simpan SSPN di beberapa negeri. Program Jelajah Simpan SSPN 2022 pada 15 April 2022 diadakan di **Masjid Jame’al Shahab, Kepala Batas Jitra, Kedah** melibatkan seramai **100 orang pelajar asnaf** dengan **peruntukan RM10,000**. Setiap pelajar akan menerima **RM100 yang akan dimasukkan terus ke akaun Simpan SSPN Prime**. Sumbangan dalam bentuk pembukaan akaun Simpan SSPN Prime ini adalah bertujuan membantu pelajar asnaf terlibat dari sudut pendidikan serta sebagai galakan awal untuk memulakan penabungan bagi tujuan pendidikan tinggi.

7. Jelas Wan Saiful “Penabungan melalui Simpan SSPN turut memberikan dividen yang kompetitif dan bagi tahun 2021 dividen yang diberikan adalah sebanyak 3%. Kerajaan juga memberikan pelepasan taksiran cukai melalui penabungan Simpan SSPN iaitu sebanyak RM8,000 setahun ke atas simpanan bersih tahun semasa. Perlindungan takaful turut diberikan. Ia bermaksud sekiranya berlaku kematian atau keilangan kekal menyeluruh kepada ibu atau bapa, masa depan anak-anak untuk melanjutnya pengajian

masih terjamin kerana simpanan ini menyediakan perlindungan takaful percuma berdasarkan jumlah simpanan untuk Simpan SSPN Prime.”

8. Pada majlis sama, PTPTN melalui **Skuad PTPTN Prihatin** turut memberikan **sumbangan bakul makanan** kepada **30 orang golongan asnaf**. Setiap keluarga akan menerima sumbangan bakul makanan yang mengandungi barangan keperluan harian.

Perbadanan Tabung Pendidikan Tinggi Nasional (PTPTN)
16 April 2022